



ПОСЛЕДОВАНИЕ ЧАСОВ СВЯТАГО И ВЕЛИКАГО ПЯТКА

Собравшеся во храм, облачится иерей в фелонь, диакон же в стихарь. И поставляет параекклисиарх аналогий украшен прямо царских врат, и вжигает свещу на свещнице: иерей же исходит со Евангелием во храм, или в трапезу царскими враты, предходящу ему диакону с кадиллом. И полагает иерей Святое Евангелие на аналогии, и став пред аналогием, диакону возгласившу: **Благослови, владыко, творит начало: Благословён Бог наш, всегда, ныне и присно, и во веки веков.**

И Чтец глаголет: Аминь. Слава Тебе, Боже наш, слава Тебе. Царю Небесный: Трисвятое, по Отче наш.

Священник: Яко Твое есть Царство:

Чтец: Аминь. Господи, помилуй. (12). Слава, и ныне: Приидите, поклонимся: (Трижды).

Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти и узриши мя. Яко Бог не хотяй беззакония Ты еси: не приселится к Тебе лукавнуяй, ниже будут беззаконницы пред очима Твоима. Возненавидел еси вся делающыя беззаконие. Погубиши вся глаголющыя лжу: мужа кровей и лстива гнушается Господь. Аз же множеством милости Твоея вниду в дом Твой, поклонюся ко храму святому Твоему, в страхе Твоем, Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их, языки своими льщаху. Суди им, Боже, да отпадут от мыслей своих: по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них: и похвалятся о Тебе любящии имя Твое. Яко Ты благословиши праведника, Господи, яко оружием благоволения венчал еси нас.

Псалом 2

Вскую шаташася языцы, и людие поучишася тщетным? Предсташа царие земстии, и князи собрашася вкупе на Господа и на Христа Его. Расторгнем узы их и отвержем от нас иго их. Живый на Небесех посмеётся им, и Господь поругается им. Тогда возглаголет к ним гневом Своим и яростию Своею смятёт я. Аз же поставлен есмь царь от Него над Сионом, горюю Святою Его, возвещаяй повеление Господне. Господь рече ко мне: сын Мой еси ты, Аз днесь родих тя; Проси от Мене и дам ти языки достояние твоё и одержание твоё концы земли. Упасеши я жезлом железным, яко сосуды скудельничи сокрушиши я. И ныне ца-

рие, разуме́йте, накажи́тесь вси судя́щи земли́. Рабо́тайте Го́сподеви со стра́хом и ра́дуйтесь Ему́ с трéпетом. Приими́те наказáние, да не когдá прогне́вается Господь, и поги́бнете от пу́ти пра́веднаго, егдá возго́рится вско́ре я́рость Его́. Блаже́ни вси наде́ющися Нань.

Псалом 21

Бо́же, Бо́же мой, вонми́ ми, вскúю оста́вил мя еси́? Далéче от спасéния моего́ словеса́ грехопадéний мои́х. Бо́же мой, воззову́ во дни, и не услы́шиши, и в но́щи, и не в безúмие мне. Ты же во Святе́м живéши, Хвало́ Изра́илева. На Тя упова́ша отцы́ на́ши, упова́ша, и изба́вил еси́ я. К Тебе́ воззва́ша и спасо́шася: на Тя упова́ша и не постыде́шася. Аз же есмь червь, а не челове́к, поноше́ние челове́ков, и уничиже́ние люде́й. Вси ви́дящи мя поругáша ми ся, глаго́лаша устна́ми, покива́ша главо́ю: упová на Го́спода, да изба́вит его́, да спасéт его́, я́ко хо́щет его́. Яко Ты еси́ истóргий мя из чре́ва; упова́ние мое от сосцú ма́тере моея́. К Тебе́ привéржен есмь, от ложéсн, от чре́ва ма́тере моея́, Бог мой еси́ Ты. Да не отсту́пиши от Мене́; я́ко скорбь близ; я́ко несть помога́й ми: Обыдо́ша мя тельцы́ мно́зи, юнцы́ тучни́и одержáша мя: Отверзо́ша на мя уста́ своя, я́ко лев восхища́й и рыка́й. Яко вода́ излихся, и разсы́пашася вся ко́сти моя́: бысть се́рдце мое́, я́ко воск та́й посреде́ чре́ва моего́. Изше́ я́ко скуде́ль кре́пость моя́, и язы́к мой прильпе́ гортáни моему́, и в персть сме́рти свел мя еси́. Яко обыдо́ша мя пси мно́зи; сонм лука́вых одержáша мя. Ископа́ша ру́це мои́ и но́зе мои́: исчето́ша вся ко́сти моя́, тии же смотре́ша и презре́ша мя. Раздели́ша ризы́ моя́ себе́ и о оде́жди мое́й метáша жре́бий. Ты же, Го́споди, не удали́ по́мощь Твою́ от Мене́, на заступле́ние мое́ вонми́. Изба́ви от оружия́ ду́шу мою́ и из руки́ пэ́сии единоро́дную мою́. Спаси́ мя от уст льво́вых, и от рог единоро́жь смире́ние мое́. Повéм Имя́ Твое́ бра́тии мое́й, посреде́ це́ркви воспою́ Тя. Боя́щийся Го́спода восхва́лите Его́, все се́мя Иа́ковле просла́вите Его́, да убойт́ся же от Него́ все се́мя Изра́илево: Я́ко не уничи́жи, ниже́ негодова́ моли́твы ни́щаго, ниже́ отврати́ лице́ Своё́ от Мене́: и егдá воззва́х к Нему́, услы́ша мя. от Тебе́ похвала́ моя́, в це́ркви вели́цей испове́мся Тебе́: моли́твы моя́ возда́м пред боя́щимися Его́. Яды́т убо́зии, и насы́тятся, и восхва́лят Го́спода взыска́ющи Его́, жива́ б́дут сердца́ их в век ве́ка. Помяну́тся и обрат́ятся ко Го́споду вси концы́ земли́, и поклóняются пред Ним вся отéчествия язы́к. Яко Господне́ есть Ца́рствие, и Той облада́ет язы́ки. Ядо́ша и поклони́шася вси тучни́и земли́, пред Ним припадúт вси низходя́щи в зéмлю, и душа́ моя́ Тому́ живéт. И се́мя мое́ порабо́тает Ему́, возвестит Го́сподеви род грядúщий: И возвестят пра́вду Его́ люде́м ро́ждшымся, я́же сотвори́ Господь.

Сла́ва, и ны́не: Аллилу́иа, Аллилу́иа, Аллилу́иа, сла́ва Тебе́, Бо́же. (Три́жды). Го́споди, поми́луй. (Три́жды).

Сла́ва Отцú, и Сы́ну, и Свято́му Ду́ху.

И поет лик тропарь, глас 1:

Распёншуся Тебе, Христе, погибе мучительство, / поправа бысть сила вражия: / ниже бо Ангел, ниже человек, // но Сам, Господи, спасл еси нас, слава Тебе.

Чтец: И ныне: Что Ты наречём, о Благодатная! Небо, яко возсияла еси Солнце Правды: рай, яко прозябла еси цвет нетления: Деву, яко пребыла еси нетленна: Чистую Матерь, яко имела еси на святых Твоих объятиях Сына, всех Бога: Того моли спастися душам нашим.

Таже поют на оба лика тропари от двенадцати три, повторяюще я, первый же без стиха.¹

Глас 8: Днесь церковная завеса, / на обличение беззаконных, раздирается, / и солнце лучи Своя скрывает, // Владыку зря распинаема. (Дважды).

Стих: Вскую шаташася языцы, и людие поучишася тщетным.

Яко овча на заклание веден был еси, Христэ Царю, / и яко Агнец незлобивый пригвоздился еси Кресту / от беззаконных мужей, // грех ради наших, Человеколюбче.

Стих: Предсташа царие земсти, / и князи собрашася вкупе на Господа и на Христа Его.

Яко овча на заклание:

Слава [и ныне:] Емшим Тя беззаконным, / претерпевая сие вопиял еси, Господи: / аще и поразиште Пастыря, / и расточиште дванадцать овец ученики Моя, / можах вьще нежели дванадцате легионов представить Ангелов: / но долготерплю, да исполнятся, / яже явих вам пророки Моими, безвестная и тайная. // Господи, слава Тебе.

И ныне: Емшим Тя беззаконным:

Таже Диакон: Премудрость. Вонмем.

Чтец: Прокимен пророчества, глас четвертый: Сердце его собра беззаконие себе.

¹ По устойчивой традиции, тропари Царских часов поются ст ихирны ми напевами.

Лик: Сёрдце его́ собра́ беззакóние себе́.

Стих: Блажён разумева́яй на ни́ща и убо́га. **Лик:** Сёрдце его́ собра́ беззакóние себе́.

Та́же Чтец: Сёрдце Его́. **Лик:** Собра́ беззакóние себе.

Диáкон: Премудрость. **Чтец:** Прорóчества Заха́риина чтéние. **Диáкон:** Вóнмем.

Чтец: Та́ко глаго́лет Господь: приму́ жезл Мой до́брый, и отвергу́ его́, е́же разори́ти завет Мой, его́же завеща́х ко всем лю́дем. И разори́тся в день о́ный, и уразумею́т хананеи́ о́вцы храни́мая Мне, зане́ сло́во Господне́ есть. И реку́ к ним: а́ще добро́ пред ва́ми есть, дадите́ мзду Мою́, или́ отрецы́тесь. И поста́виша мзду Мою́ три́десять срёбреник. И рече́ Господь ко мне: вложи́ я́ в горни́ло, и смотри́ а́ще искуше́но есть, имже́ о́бразом искуше́н бых о них. И приях́ три́десять срёбреник, и вложи́х их в храм Господень в горни́ло.

Посём Диáкон: Премудрость. **Чтец:** К Гала́том послáния Свята́го апо́стола Па́вла чтéние. **Диáкон:** Вóнмем.

Чтец: Бра́тие, мне да не бу́дет хвалит́ся, то́кмо о Кресте́ Го́спода на́шего Иису́са Христа́, имже́ мне мир распя́ся, и аз ми́ру. О Христé бо Иису́се, ни обре́зание что мо́жет, ни необре́зание, но но́ва тварь. И ели́цы пра́вилом сим жи́тельствуют, мир на них и ми́лость, и на Изра́или Бо́жи. Прóчее, труды да никто́же ми даёт: аз бо я́звы Го́спода Иису́са на теле́ моём ношу́. Благода́ть Го́спода на́шего Иису́са Христа́ со Ду́хом ва́шим бра́тие. Ами́нь.

Священник глаго́лет: Мир ти. **Чтец:** И ду́хови твоemú.

Та́же Диáкон: Премудрость, прóсти, услы́шим Свята́го Ева́нгелиа.

Священник: Мир всем. **Лик:** И ду́хови твоemú.

И а́бие возглаша́ет Священник: От Матфе́а Свята́го Ева́нгелиа чтéние (зачала 110–113).

Лик: Сла́ва Тебе́, Го́споди, сла́ва Тебе́.

Диáкон: Вóнмем.

Священник: Во вре́мя оно, у́тру бы́вшу, совет сотвори́ша вси архиере́е и ста́рцы людсти́и на Иису́са, я́ко уби́ти Его́. И связа́вше Его́ ведо́ша, и преда́ша Его́ Понтийско́му Пилáту игéмону. Тогда́ ви́дев Иу́да преда́вый Его́, я́ко осуди́ша Его́, раска́явся возврати́ три́десять срёбреники архиере́ем и ста́рцем, глаго́ля: согреших́, преда́в кровь непови́нную. Они́ же рéша: что́ есть нам? ты у́зриши. И поверѓ срёбреники в це́ркви, оти́де, и шед уда́вися. Архиере́е же приёмше срёбреники, рéша: недосто́йно есть вложи́ти их в корва́ну, поне́же цена́ кро́ве есть. Совет же сотво́рше, купи́ша ими́ село́ скуде́льниче, в погреба́ние страна́ным. Те́мже нарече́ся село́ то, Село́ Кро́ве, до сего́ дне. Тогда́ сбы́тсся рече́нное Иеремие́м проро́ком глаго́лющим: и прия́ша три́десять срёбреник, цену́ Ценéннаго, Его́же ценя́ша

от сынов Израилев: И даша я на селѣ скудѣльничи, якоже сказа мнѣ Господь. Иисус же ста пред игемоном, и вопроси Егѣ игемон, глаголя: Ты ли еси Царь Иудейский? Иисус же рече ему: ты глаголеши: и егда Нань глаголаху архиерее и старцы, ничесѣже отвещаваше. Тогда глагола Ему Пилат: не слышиши ли, колико на Тя свидѣтельствууют? И не отвещая ему ни к единому глаголу, яко дивитися игемону зело. На всяк же праздник обычай бе игемону отпущати единого народа связня, егѣже хотяху. Имяху же тогда связана нарѣчита, глаголемаго Варавву. Собранным же им, рече им Пилат: кого хощете от обою отпущу вам? Варавву ли, или Иисуса глаголемаго Христа? Ведяше бо, яко зависти ради предаша Егѣ. Сядящу же ему на судищи, посла к нему жена егѣ, глаголющи: ничтоже тебе, и Праведнику Тому: много бо пострадах днесь во сне Егѣ ради. Архиерее же и старцы наустяша народы, да испросят Варавву, Иисуса же погубят. Отвещав же игемон рече им: кого хощете от обою отпущу вам? Они же рѣша: Варавву. Глагола им Пилат: что убо сотворю Иисусу, глаголемому Христу? Глаголаша ему вси: да распят будет. Игемон же рече: кое убо зло сотвори? Они же излиха вопияху, глаголюще: да пропят будет. Видев же Пилат яко ничтоже успеваѣет, но паче молва бываѣет, приѣм воду, умы рuce пред народом, глаголя: неповинен есмь от крове праведнаго Сего, вы узрите. И отвещавше вси людие рѣша: кровь Егѣ на нас, и на чадех наших. Тогда отпусти им Варавву: Иисуса же бив, предаде им, да Егѣ пропнут. Тогда воини игемоновы приѣмше Иисуса на судище, собраша Нань все множество воин. И совлекше Егѣ, одѣяша Егѣ хламидою червлѣною. И сплетше венѣц от терния, возложиша на главу Егѣ: и трость в десницу Егѣ: и поклоншеся на колѣну пред Ним, ругахуся Ему, глаголюще: радуйся, Царю Иудейский. И плюнувше Нань, прияша трость, и бияху по главе Егѣ. И егда поругашася Ему, совлекѣша с Него багрянницу, и облекѣша Егѣ в ризы Егѣ: и ведѣша Егѣ на пропятие. Исходяще же обретѣша человека Киринейска, именем Симона: и сему задѣша понести Крест Егѣ. И пришедше на место нарицаемое Голгофа, еже есть глаголемо краниево место, даша Ему пити ѡцет с желчию смешен: и вкуш не хотяше пити. Распѣнши же Егѣ, разделѣша ризы Егѣ, вергше жребия. И сядяще стражаху Егѣ ту. И возложиша верху главы Егѣ вину Егѣ написану: Сей есть Иисус Царь Иудейский. Тогда распяша с ним два разбойника: единого одесную, и единого ошуюю. Мимоходящии же хуляху Егѣ, покиваяюще главами своими, и глаголюще: разоряяй церковь, и трѣми дѣньми созидаяй, спасися Сам: аще Сын еси Божий, сниди со Креста. Такожде же и архиерее, ругающеся с книжники и старцы и фарисѣи, глаголаху: иныя спасе, Себе ли не может спасти? Аще Царь Израилев есть, да снидет ныне со Креста, и веруем в Него. Упова на Бога, да избавит ныне Егѣ, аще хощет Ему: рече бо, яко Божий есмь Сын. Тѣжде же и разбойника распятая с Ним поношаста Ему. От шестаго же часа тма бысть по всей земли, до часа девятаго. О девятом же часѣ возопи Иисус гласом велиим, глаголя: Или, Или, лимав савахфани? Еже есть Бѣже Мой, Бѣже Мой, вскую Мя еси оставил? Нѣцыи же от ту стоящих слышавше, глаголаху: яко Илию глашает Сей. И абие тек един от них, и приѣм губу, исполнив же ѡцта, и вонзе на трость, напаяше Егѣ. Прочии же глаголаху: остави, да видим, аще приидет Илиав спасти Егѣ. Иисус же паки возопив гласом велиим, испусти дух. И

се завеса церковная раздрася на двое, с вышняго края до нижняго: и земля потрясся, и камень распадся. И гробы отверзошася: и многа телеса усопших святых восташа: и изшедше из гроб по воскресении Его, внидоша во Святый град, и явися мнозем. Сотник же и иже с ним стрегущий Иисуса, видевше трус и бывшая, убояшася зело, глаголюще: воистинну Божий Сын бе Сей. Бяху же ту и жены многи издалеча зряща, яже идоша по Иисусе от Галилеи, служаща Ему. В нихже бе Мариа Магдалина, и Мариа Иаковля, и Иосии матери, и матери Сыну Зеведеову.

Лик: Слава долготерпению Твоему, Господи.

Таже чтец: Стопы моя направи по словеси Твоему, и да не обладает мною всякое беззаконие. Избави мя от клеветы человеческия, и сохранию заповеди Твоя. Лице Твое просвети на раба Твоего, и научи мя оправданием Твоим.

Да исполнятся уста моя хваления Твоего, Господи, яко да воспою славу Твою, весь день великолепие Твое.

Трисвятое, по Отче наш.

Священник: Яко Твое есть Царство:

Чтец [Хор]: Аминь.

Таже кондак, глас 8:

Нас ради распятаго, Приидите вси воспойм, / Того бо виде Мариа на древе, и глаголаше:// аще и распятие терпиши: Ты еси Сын и Бог Мой.

Таже чтец: Господи, помилуй. (40).

Иже на всякое время и на всякий час, на Небеси и на земли покланяемый и славимый Христе Боже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы, и исправи живот наш к заповедем Твоим: души наша освяти, тела очисти, помышления исправи, мысли очисти и избави нас от всякия скорби, зол и болезней: оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы: яко благословен еси во веки веков. Аминь.

Господи, помилуй. (Трижды). Слава, и ныне: Честнейшую Херувим: Именем Господним Благослови, Отче.

Священник: Боже, ущедри ны, и Благослови ны, просвети лице Твое на ны, и помилуй ны.

Христе, Свете истинный, просвещающий и освящающий всякаго человека грядущаго в мир: да знаменается на нас свет лица Твоего, да в нем узрим Свет неприступный, и исправи стопы наша к деланию заповедей Твоих, молитвами Пречистыя Твоея Матере и всех Твоих святых. Аминь.





ЧАС ТРЕТИЙ

Чтец глаголет: Приидіте, поклонімся Царéви нашему́ Бóгу. Приидіте, поклонімся и припадём Христу́ Царéви нашему́ Бóгу. Приидіте, поклонімся и припадём Самому́ Христу́, Царéви и Бóгу нашему́.

Псалом 34

Суди́, Го́споди, обидящыя мя, побори́ борющыя мя. Приими́ ору́жие и щит, и востáни в по́мощь мою́. Изсу́ни мечь, и заключи́ сопроти́в гонящих мя, рцы души́ моея́: спасéние твоé есмь Аз. Да постыд́ятся и посра́мятся ищущи́ ду́шу мою́: да возвратя́тся вспя́ть, и постыд́ятся мы́слящи ми злáя. Да бу́дут я́ко прах пред лицём вéтра, и Ангел Господень оскорбля́я их: Да бу́дет путь их тьма и по́лзок, и Ангел Господень погоня́я их. Я́ко ту́не скры́ша ми па́губу се́ти Своея́, всу́е поноси́ша души́ моея́. Да приидет е́му́ сеть, ю́же не весть, и лови́тва, ю́же скры, да объ́имет и́: и в сеть да впаде́т в ню. Душа́ же моя́ возра́дуется о Го́споде, возвеселится́ о спасéнии Егó. Вся кóсти моя́ реку́т: Го́споди, Го́споди, кто подобен Тебе́? Избавля́яй ни́ща из руки́ крепльших егó, и ни́ща и убо́га от расхища́ющих егó. Воста́вше на мя свидéтеле непра́веднии, я́же не ве́дах, вопроша́ху мя. Возда́ша ми лука́вая воз блага́я, и безча́дие души́ моея́. Аз же, внегда́ они́ стужа́ху ми, облача́хся во вре́тище, и смиря́х постóм ду́шу мою́, и моли́тва моя́ в не́дро моé возврати́тся. Я́ко бли́жнему, я́ко бра́ту нашему́, та́ко угожда́х: я́ко пла́ча и се́туя, та́ко смиря́хся. И на мя возвесели́шася и собра́шася, собра́шася на мя ра́ны, и не позна́х: раздели́шася, и не умили́шася. Искуси́ша мя, подражни́ша мя подражне́нием, поскрежетáша на мя зу́бы своими́. Го́споди, когда́ у́зриши? Устро́й ду́шу мою́ от злоде́йства их, от лев единоро́дную мою́. Испове́мся Тебе́ в це́ркви мно́зе, в лю́дех тя́жцех восхваля́ю Тя. Да не возра́дуются о мне враждующи́и ми непра́ведно, ненави́дящи мя ту́не, и помиза́ющи очима́. Я́ко мне у́бо ми́рная глаго́лаху, и на гнев ле́сти помышля́ху. Разшири́ша на мя уста́ Своя́, ре́ша: благо́же, благо́же видеша́ очи на́ши. Ви́дел еси́, Го́споди, да не премолчи́ши: Го́споди, не отступи́ от Мене́. Воста́ни, Го́споди, и вонми́ суду́ моему́, Бо́же мой и Го́споди мой, на прю́ мою́. Суди́ ми, Го́споди, по правде́ Твоей, Го́споди Бо́же мой, и да не возра́дуются о мне. Да не реку́т в сердца́х своих: благо́же, благо́же души́ нашей. Ни́же да реку́т: пожро́хом егó. Да постыд́ятся и посра́мятся вку́пе раду́ющиися злом моим: да облеку́тся в студ и срам велерéчущи на мя. Да возра́дуются и возвеселя́тся хотя́щи правды моея́: и да реку́т вы́ну, да возвели́чится Господь, хотя́щим ми́ра рабу́ Егó. И язы́к мой поучи́тся правде́ Твоей, весь день хвалé Твоей.

Псалом 108

Бо́же, хвалы́ моея́ не премолчи́: Я́ко уста́ грéшника, и уста́ льсти́ваго на мя отверзо́шася: глаго́лаша на мя язы́ком льсти́вым: И словесы́ ненави́стными обыдо́ша мя, и бра́шася со мно́ю ту́не. Вме́сто е́же люби́ти мя, оболга́ху мя, аз же моля́хся: И положи́ша на мя злáя за блага́я, и ненави́сть за возлюбле́ние моé. Поста́ви на него́ грéшника, и диа́вол да ста́нет одесну́ю егó. Внегда́ суди́тися е́му, да изы́дет осужде́н, и моли́тва егó да бу́дет в [грех](#). Да бу́дут дни́е Егó мали, и епи́скопство егó да при́имет ин. Да бу́дут сы́нове егó

сїри, и женá его́ вдова́: двїжущесе да преселя́тся сы́нове его́, и воспрóсят, да изгна́ни бу́дут из домо́в своїх. Да възы́щет заимода́вец вся, елика́ суть его́, и да восхїтят чуждїи труды́ его́. Да не бу́дет ему́ заступника́, ниже́ да бу́дет ущедря́й сироты́ его́: Да бу́дут ча́да Его́ в погублѣние, в ро́де еди́ном да потре́бится імя́ его́. Да воспомя́нется беззакóние отецъ́ его́ предъ́ Господемъ́: и грехъ́ ма́тере его́ да не очїстится. Да бу́дут предъ́ Господемъ́ вѣну, и да потре́бится от земли́ па́мь их. Зане́же не помяну́ сотвори́ти мїлость, и погна́ чело́века́ ни́ща и убо́га, и умилѣна́ сѣрдцемъ́ умертвїти. И возлюбї́ кля́тву, и прїидетъ́ ему́: и не восхотѣ́ благословѣ́ния, и удалїтсѣ́ от него́. И облечѣ́ся в кля́тву я́ко в рїзу, и вни́де я́ко вода́ во утробу́ его́, и я́ко елѣ́й в ко́сти его́. Да бу́дет ему́ я́ко рїза, в ню́же облачїтсѣ́, и я́ко по́яс, їмже вѣну́ опоясу́етсѣ́. Сїе́ дѣло́ оболга́ющихъ́ мя у́ Господа́, и глаго́лющихъ́ лука́вая на ду́шу мою́. И Ты, Госпо́ди, Госпо́ди, сотвори́ со мно́ю Имене́ ра́ди Твоего́, я́ко блага́ мїлость Твоя́: Изба́ви мя, я́ко нищ и убо́г есмь́ аз, и сѣрдце́ мое́ смяте́ся внутрь́ мене́. Я́ко сень, внигда́ уклонїтсѣ́ ей, отгя́хся, стрясóхся́ я́ко прўзи. Колѣ́на моя́ изнемо́госта́ от поста́, и плоть́ моя́ изменї́ся елѣ́а ра́ди. И азъ́ быхъ́ поноше́ние їм, вїдеша́ мя, покива́ша гла́вами своїми. Помози́ ми, Госпо́ди, Бо́же мой, и спасї́ мя по мїлостї́ Твое́й. И да разумѣ́ют, я́ко рука́ Твоя́ Сїя́, и Ты, Госпо́ди, сотвори́л еси́ ю́. Проклену́т ти́и, и Ты́ благослови́ши; восста́ющїи на мя́ да посты́дятся, рабъ́ же Твойъ́ возвеселїтсѣ́. Да облечу́тсѣ́ оболга́ющїи мя́ в срамоту́, и одѣ́ждутсѣ́ я́ко одѣ́ждою́ студомъ́ Своїмъ́. Испове́мся Госпо́деви́ зело́ усты́ моїми, и посреде́ мно́гихъ́ восхва́лю́ Его́: Я́ко предста́ одесну́ю убо́гаго, е́же спасти́ от гоня́щихъ́ ду́шу мою́.

Псаломъ́ 50

Помїлу́й мя, Бо́же, по вели́цей мїлостї́ Твое́й, и по мно́жеству́ щедро́т Твоїхъ́, очїсти́ беззакóние мое́. Наипа́че омы́й мя́ от беззакóнїа моего́, и от грехá́ моего́ очїсти́ мя. Я́ко беззакóние мое́ азъ́ знаю́, и грехъ́ мой предó мно́ю́ есть вѣну. Тебе́, еди́ному согреши́х, и лука́вое предъ́ Тобо́ю сотвори́х. Я́ко да оправди́шися во словесѣ́хъ Твоїхъ́, и победи́ши, внигда́ судїти́ Ти. Се́ бо в беззакóнїихъ́ зачатъ́ есмь́, и во гресѣ́хъ роди́ мя ма́ти моя́. Се́ бо їстїну́ возлюбї́л еси́, безвѣ́стная и та́йная премўдростї́ Твое́я́ явилъ́ ми еси́. Окропи́ши мя́ иссо́пом, и очїщу́ся: омы́еши мя́, и па́че снѣга́ убелю́ся. Слу́ху моему́ да́си ра́дость и весѣ́лие: возра́дуютсѣ́ ко́сти смире́нныя. Отврати́ лице́ Твое́ от грехъ́ моїхъ́, и вся́ беззакóнїа́ моя́ очїсти́. Сѣрдце́ чїсто́ сози́жди во́ мне, Бо́же, и духъ́ правъ́ обнови́ во утробѣ́ мое́й. Не отвѣржи́ мене́ от лица́ Твоего́, и Ду́ха Твоего́ Свята́го́ не отыми́ от мене́. Возда́ждь ми́ ра́дость спасѣ́ния Твоего́, и Ду́хомъ́ Влады́чнимъ́ утверди́ мя. Научу́ беззакóнныя́ путе́м Твоїмъ́, и нечестї́вици к Тебе́́ обратятсѣ́. Изба́ви мя́ от крове́й, Бо́же, Бо́же спасѣ́ния моего́: возра́дуется́ язы́къ мойъ́ правде́ Твое́й. Госпо́ди, устне́ мои́ отвѣрзешї́ и уста́ моя́́ возвестятъ́ хвалу́ Твою́. Я́ко а́ще бы́ восхотѣ́л еси́́ жѣртвы, далъ́ быхъ́ у́бо: всесо́жже́нїя не благоволи́ши. Жѣ́ртва́ Бо́гу́ духъ́ сокруше́н, сѣрдце́ сокруше́нно и смире́нно Богъ́ не уничи́жит. Ублажи́, Госпо́ди, благово́ленїемъ́ Твоїмъ́ Си́она, и да сози́ждутсѣ́ стѣны́ Иерусали́мскїя. Тогда́ благоволи́ши́ жѣртву́ правды́, возноше́ние и всесо́жига́емая: тогда́ возложатъ́ на олта́рь Твойъ́ тельцы́.

Сла́ва, и ны́не: Аллилу́иа, Аллилу́иа, Аллилу́иа, сла́ва Тебе́, Бо́же. (Три́жды). Госпо́ди, помїлу́й. (Три́жды).

Сла́ва Отцу́, и Сы́ну, и Свято́му Ду́ху.

И поем тропарь, глас 6:

Господи, осудиша Тя иудее на смерть./ Жизнь всех, иже Чермное море жезлом прошедши,/ на Кресте Тя пригвоздиша:/ и иже от камене мед ссавши,/ желчь Тебе принесоша:/ но волею претерпел еси,/ да нас свободиши от работы вражия, // Христе Боже, слава Тебе.

Чтец: И ныне: Богородице, Ты еси Лоза истинная, возраставшая (нам) Плод Живота, Тебе молимся, молися, Владычице, со святыми апостолы, помилovati души наша.

И поем три тропари от двенадцати, глас 8 [стихирный]:

Страха ради иудейскаго,/ друг Твой и ближний Петр отвержеся Тебе, Господи,/ и рыдая сиче вопияше:/ слез моих не премолчи,/ Рех бо сохранити веру, Щедре, и не сохраних:// и наше покаяние такожде приими, и помилуй нас. **(Дважды).**

Стих: Глаголы моя внуши, Господи, разумей звание мое.

Прежде Честнаго Твоего Креста,/ воином ругающимся Тебе, Господи,/ умная воинства дивляхуся:/ обложился бо еси венцем поругания,/ землю живописавый цветы:/ багрянницею поругания одеялся еси,/ облаки одеваяй твердь./ Таковым бо смотрением разумеся/ Твое Благоутробие, Христе, // велия Твоя милость, слава Тебе.

Стих: Вонми гласу моления моего.

Прежде Честнаго Твоего Креста:

Слава [и ныне]: Глас 5: Влеком на Крест сиче вопиял еси, Господи:/ за кое дело хотите Мя распяти, иудее?/ яко разслабленыя ваша стягнух,/ зане мертвецы аки от сна возставих,/ кровоточивую исцелих, хананею помиловах./ За кое дело хотите Мя убить, иудее?/ но узрите, в негоже ныне прободаете, // Христа, беззаконнии.

И ныне: Влеком на Крест сице:

И кадит диакон Евангелие и иконы, и настоятеля и лики токмо. Таже Диакон: Премудрость. Вонмем.

Чтец: Прокимен, глас четвертый; **Яко** аз на раны готов, и болѣзнь моя предо мною есть вину.

Лик: **Яко** аз на раны готов, и болѣзнь моя предо мною есть вину.

Стих: Господи, да не яростию Твоею обличиши мене, ниже гневом Твоим накажеша мене.

Лик: **Яко** аз на раны готов:

Стих: **Яко** аз на раны готов.

Лик: **И** болѣзнь моя предо мною есть вину.

Диакон: Премудрость. **Чтец:** Пророчества Исаиина чтение. **Диакон:** Вонмем.

Чтец: Господь дает мне язык научения, еже разумети, егда подобает рещи слово: положи мя утро утро, приложи ми ухо, еже слышати. И наказание Господне отверзает уши мой, аз же не противлюся, ни противоглаголю. Плещи моя вдах на раны, и ланите мой на заушения, лица же моего не отвратих от студа заплеваний. И Господь, Господь помощник ми бысть: сего ради не усрамихся, но положих лице свое аки твердый камень, и разумех, яко не постыждуся. Зане приближается оправдавый мя; кто прайся со мною? Да сопротивостанет мне купно: и кто судяйся со мною? Да приблизится ко мне. Се Господь, Господь поможет ми: кто озлобит мя? Се вси вы яко риза обетшаете, и яко молие изьяст вы. Кто в вас бойся Господа? Да послушает гласа отрока Его: ходящий во тьме, и несть им света, надейтесь на Имя Господне, и утвердитесь о Бозе. Се вси вы огонь раждизаете, и укрепляете пламень: ходите светом огня вашего, и пламенем, егже разжегосте: мене ради быша сия вам, в печали уснете.

Посем Диакон: Премудрость. **Чтец:** К Римляном послания Святаго апостола Павла чтение. **Диакон:** Вонмем.

Чтец: Братие, Христос, сущим нам немощным, по времени за нечестивых умре. Едва бо за праведника кто умрет, благого бо негли кто и дерзнет умерети. Составляет же Свою любовь в нас Бог, яко еще грешником сущим нам Христос за ны умре: Много же убо паче оправдани бывше ныне Кровию Его, спасемся Им от гнева. Аще бо врази бывше, примиримся Богу смертию Сына Его, множае паче примирившися, спасемся в Животе Его.

Священник: Мир ти. **Чтец:** И духови твоему.

Та́же Діа́кон: Премудрость, прости, услышим Святаго Евангелиа.

Священник: Мир всем.

Лик: И духови твоему.

Священник: От Марка Святаго Евангелиа чтение.

Лик: Слава Тебе, Господи, слава Тебе.

Діа́кон: Вонмем.

Священник: Во время оно, совет сотвориша архиерее со старцы и книжники, и весь сонм, связавше Иисуса ведоша, и предаша Его Пилату. И вопроси Его Пилат: Ты ли еси Царь Иудейский? Он же отвечае рече ему: ты глаголеши. И глаголаху на Него архиерее много. Пилат же паки вопроси Его, глаголя: не отвечаеши ли ничтоже? виждь колико на Тя свидетельствуют. Иисус же ктому ничтоже отвечае, яко дивитися Пилату. На всяк же праздник отпускаше им единого связня, егоже прошаху. Бе же нарицаемый Варавва, с ковники своими связан, иже во кове убийство сотвориша. И возопив народ, нача просити, якоже всегда творяше им. Пилат же отвечае им, глаголя: хощете ли пущу вам Царя Иудейска? Ведяше бо, яко зависти ради предаша Его архиерее. Архиерее же помануша народу, да паче Варавву пустит им. Пилат же отвечае паки рече им: что убо хощете сотворю, егоже глаголете Царя Иудейска? Они же паки возопиша, глаголюще: пропни Его. Пилат же глаголаше им: что бо зло сотвори? Они же излиха вопияху: пропни Его. Пилат же хотя народу хотение сотворити, пусти им Варавву: и предаде Иисуса бив, да пропнут Его. Воини же ведоша Его внутрь двора, еже есть претор, и созваша всю спору. И облекоша Его в препяду, и возложиша на Него сплетше тернов венец. И начаша целовати Его (и глаголати): радуйся, Царю Иудейский. И бияху Его по главе тростию, и плюваху на Него: и прегигающе колена поклоняхуся Ему. И егда поругашася Ему, совлекоша с Него препяду, и облекоша Его в ризы Своя, и изведоша Его, да пропнут Его. И задеша мимоходящу некоему Симону Кириною, грядущу с села, отцу Александру и Руфову, да возмет Крест Его. И приведоша Его на Голгофу, место, еже сказаемо, лобное место. И даху Ему пити есмирнисмено вино. Он же не прият. И распенши Его разделиша ризы Его, метающе жребий о них, кто что возмет. Бе же час третий, и распяша Его. И бе написание вины Его написано: Царь Иудейск. И с Ним распяша два разбойника, единого одесную, и единого ошуюю Его. И сбытсся Писание, еже глаголет: и со беззаконными вменися. И мимоходящи хуляху Его, покиваяюще главами Своими, и глаголюще: уа, разоряяй церковь, и трети деньми созидаяй, спасися Сам, и сниди с Креста. Такожде и архиерее, ругающиеся друг ко другу с книжники, глаголаху: ины спасе, Себе ли не может спасти? Христос Царь Израилев да снидет ныне с Креста, да видим, и веру имем Ему. И распятая с Ним поношаста Ему. Бывшу же часу шестому, тьма бысть по всей земли до часа девятого. И в час девятый возопи Иисус гласом велиим, глаголя: Елои, Елои, лимав Савахфани? Еже есть сказаемо: Боже

Мой, Бóже Мой, почтó Мя оставил еси? И не́цыи от предстоящих слышавше, глаго́лаху, се Илию́ гласит. Тек же еди́н, и напо́лнив губу о́цта, и возложь на трость, напо́яше Егó, глаго́ля: оставите, да ви́дим а́ще придет Илиа́ сняти Егó. Иисус же пу́сть глас ве́лий, издше. И завеса церкóвная раздрáся на двóе, свýше до н́зу. Ви́дев же со́тник стояй прýмо Емý, я́ко та́ко возопив издше, рече: войстинну человек Сේ́ Сын бе Бóжий. Бя́ху же и жéны издалéча зря́ще, в н́хже бе Мари́а Магдали́на, и Мари́а Иа́кова ма́лаго, и Иосии́ ма́ти, и Саломиа́: я́же, и егда́ бе в Галиле́и, хождáху по Нем, и служáху Емý, и и́ны мно́гия, я́же въздо́ша с Ним во Иеру-сали́м.

Лик: Сла́ва долготерпéнию Твоемý, Гóсподи.

Та́же Чтец: Гóсподь Бог благословéн, благословéн Гóсподь день дне, поспешит нам Бог спасéний нáших: Бог наш. Бог спаса́ти.

Трисвято́е, по Отче наш.

Свящéнный: Я́ко Твое́ есть Цáрство:

Чтец [Хор]: Ами́нь.

Та́же конда́к, глас 8:

Нас ра́ди распя́таго, приидите вси́ воспойм, / Тогó бо ви́де Мари́а на древе, и глаго́лаше: // а́ще и распя́тие терпи́ши: Ты еси́ Сын и Бóг Мо́й.

Та́же чтец: Гóсподи, поми́луй. (40).

Иже на всякое время, и на всякий час, на небеси́ и на земли́ покланяемый, и славимый Христé Бóже, Долготерпели́ве, Многоми́лостиве, Многоблагоутрóбне, Иже пра́ведныя любяй и грéшныя ми́луй, Иже вся зовый ко спасéнию, обещания ра́ди будущих благ: Сам, Гóсподи, приими́ и нáша в час сей моли́твы, и испра́ви живóт наш к за́поведем Твои́м: ду́шы нáша освяти́, телеса́ очи́сти, помышлéния испра́ви, мы́сли очи́сти, и изба́ви нас от вся́кия скóрби, зол и болéзней. Оградí нас святы́ми Твои́ми Ангелы, да ополчéнием их соблюда́еми и наставля́еми, достíгнем в соединéние véры, и в разум непристúпныя Твоея́ сла́вы: я́ко благословéн еси́ во ве́ки веко́в. Ами́нь.

Гóсподи, поми́луй. (Три́жды). Сла́ва, и ны́не: Честне́йшую Херувим: Именем Гóсподним Благослови́, Отче.

Свящéнный: Бóже, ущéдри ны, и благослови́ ны, просвети́ лице́ Твое́ на ны, и поми́луй ны.

Чтец: Ами́нь. Влады́ко Бóже Отче Вседержи́телю, Гóсподи Сы́не Единоро́дный Иисусе Христé, и Святы́й Ду́ше, еди́но Бóжество, еди́на Си́ла, поми́луй мя, грéшнаго: и и́миже ве́си судьба́ми, спаси́ мя, недостóйнаго раба́ Твоего́, я́ко благословéн еси́ во ве́ки веко́в. Ами́нь.





ЧАС ШЕСТЫЙ

Чтец: Приидите, поклонимся Царéви нашему́ Бо́гу. Приидите, поклонимся и припадём Христу́ Царéви нашему́ Бо́гу. Приидите, поклонимся и припадём Самому́ Христу́, Царéви и Бо́гу нашему́.

Псалом 53

Бо́же, во Имя Твое́ спаси́ мя, и в си́ле Твое́й суди́ ми. Бо́же, услы́ши моли́тву мою́, внуши́ глаго́лы уст мои́х. Яко́ чужди́и воста́ша на мя, и крѣпцыи взыска́ша ду́шу мою́, и не предлож́иша Бо́га пред собою́. Се бо Бог помога́ет ми, и Госпо́дь заступник ду́ш моея́. Отврати́т злая враго́м мои́м, истиною Твое́ю потреби́ их. Волею́ пожру́ Тебе́, испове́мся Имени Твоему́, Го́споди, яко́ бла́го. Яко́ от вся́кия печа́ли изба́вил мя еси́ и на враги́ моя́ возре́ око́ мое́.

Псалом 139

Изми́ мя, Го́споди, от челове́ка лука́ва, от мужа неправедна изба́ви мя. Иже помы́слиша неправду́ в се́рдце, весь день ополча́ху бра́ни. Изостри́ша язы́к сво́й яко́ зми́ин, яд а́спидов под уста́ми их. Сохрани́ мя, Го́споди, из руки́ грѣшници, от челове́к неправедных изми́ мя, иже помы́слиша запы́ти стопы́ моя́. Скры́ша горди́и сеть мне, и у́жы препя́ша сеть ногама мои́ма: При стези́ собла́зны положи́ша ми. Рех Го́сподеви: Бог мой еси́ Ты, внуши́, Го́споди, глас молéния моего́. Го́споди, Го́споди, Си́ло спасéния моего́, осени́л еси́ над главою́ моею́ в день бра́ни. Не преда́ждь мене́, Го́споди, от желáния моего́ грѣшнику: помы́слиша на мя, не оста́ви мене́, да не когда́ вознесу́тся. Глава́ окру́жения их, труд устен их покрýет я́. Паду́т на них угля́ огненная; низложи́ши я в страстéх, и не посто́ят. Муж язы́чен не исправит́ся на земли́, мужа неправедна злая́ уловя́т во истлéние. Позна́х, яко́ сотвори́т Госпо́дь суд ни́щым, и месть убо́гим. Оба́че пра́веднии испове́дятся Имени Твоему́, и вселя́тся пра́вии с лицéм Твои́м.

Псалом 90

Живы́й в по́мощи Вы́шняго, в крове́ Бо́га Небéснаго водвори́тся. Рече́т Го́сподеви: Заступник мой еси́ и Прибе́жище мое́, Бог мой и уповаю́ на Него́. Яко́ Той изба́вит тя от се́ти лóвчи, и от словесé мяте́жна. Плещма́ Свои́ма осенит́ тя, и под криле́ Его́ наде́ешися. Ору́жием обы́дет тя исти́на Его́, не убойши́ся от стра́ха но́щнаго, от стрелы́ летя́щия во дни: от вéщи во тьме преходя́щия, от сря́ща и бе́са полуденнаго. Падéт от страны́ твоея́ ты́сяща и тьма одесну́ю тебе́, к тебе́ же не прибли́жится. Оба́че очима́ Твои́ма смóтриши, и воздая́ние грѣшников у́зриши. Яко́ Ты, Го́споди, упова́ние мое́, Вы́шняго положи́л еси́ прибе́жище Твое́. Не придет к Тебе́ зло, и ра́на не прибли́жится телеси́ Твоему́. Яко́ а́нгелем Свои́м запове́сть о тебе́, сохранити́ тя во всех путéх твои́х. На рукахъ вóзмут тя, да не когда́ преткне́ши о ка́мень но́гу твою́. На а́спида и васи́ли́ска настúпиши, и попере́ши льва и зми́я. Яко́ на мя упова́, и изба́влю и, покрýю и́, яко́ позна́ Имя Моё́. Воззо́вет ко Мне, и услы́шу его́: с ним есмь в скóрби, изму́ его́, и просла́влю его́. Долгото́ю дней исполню́ его́, и явлю́ ему́ спасéние Моё́.

Сла́ва, и ны́не: Аллилу́иа, Аллилу́иа, Аллилу́иа, сла́ва Тебе́, Бо́же. (Три́жды). Го́споди, помилуй. (Три́жды). Сла́ва Отцу́ и Сы́ну, и Свято́му Ду́ху.

Тропа́рь, глас 2:

Спасе́ние соде́лал еси посреде земли, Христе Бо́же, /
на Кресте́ пречи́стееи руце Твой просте́рл еси́, / соби-
рая вся языки, зову́щия: // Господи, сла́ва Тебе́.

Чтец: И ны́не: Я́ко не има́мы дерзнове́ния, за премно́гия грехи́ на́ша, Ты
Иже от Тебе́ ро́ждшагося моли́, Богоро́дице Де́во: мно́го бо мо́жет мо-
ле́ние Ма́тернее ко благосе́рдию Влады́ки, не прэ́зри грéшных мо́льбы,
Всечи́стая, я́ко Ми́лостив есть, и спасти́ могый, Иже и страда́ти о нас из-
во́ливый.

И поём три тропари́ от двунáдесяти. Глас 8:

Сия́ глаголет Господь иуде́ом: / лю́дие Мои, что сотвори́х
ва́м? / Или́ чим ва́м стужи́х? / Слепцы́ ваша просветих,
прокаженныя очи́стих, / му́жа су́ща на одре испра́вих. /
Лю́дие Мой, что сотвори́х ва́м? / Или́ что Мне возда́сте? /
За ма́нну, желчь: за воду, о́цет: / за еже любити Мя, ко
Кресту́ Мя пригвозди́сте. / Ктому́ не терплю прóчее, / при-
зову́ Моя язы́ки, / и ти́и Мя прославят со Отце́м и Ду́хом, //
и Аз им дарую Живот Ве́чный. **(Два́жды).**

Стих: Да́ша в снедь Мою́ желчь, и в жажду Мою́ напои́ша
Мя о́цта.

Законополо́жницы Изра́илевы, / иуде́е и фарисе́е, / лик
апóстольский вопи́ет к ва́м: / се́ Храм, Его́же вы разо-
ри́сте: / се́ А́гнец, Его́же вы распя́сте, и гробу преда́ете, /
но властию Своёю воскресе́. / Не льсти́тесь иуде́е. / Той бо
е́сть, Иже в мори спасый, и в пустыни пита́вый. // Той есть
живот, и свет, и мир ми́рови.

Стих: Спаси́ мя, Бо́же, я́ко внидо́ша во́ды до души́ моея́.

Законополо́жницы Изра́илевы:

Сла́ва [и ны́не:] Глас 5: Прииди́те, христоноснии лю́дие,
ви́дим, / что совеща́ Иуда преда́тель, / со священники без-
законными, на Спа́са на́шего: / днесь повинна смерти, без-
смертнаго Слова сотвори́ша, / и Пилату преда́вше, / на
месте ло́бнем распя́ша. / И сия́ стражда вопияше Спас
наш, глаго́ля: / оста́ви им, Отче, грéх се́й, // да разумеют
языцы из мертвых Мое воскресе́ние.

И ны́не: Прииді́те, христонóснии лю́дие:

И кади́т диа́кон Евáнгелие, ико́ны и настоятеля, и ли́ки то́кмо.

Та́же Диа́кон: Премúдрость. Вóнмем:

Чтец: Прокі́мен, глас четвёртый: **Гóсподи, Госпóдь наш, я́ко чудно Имя Твое́ по все́й землі́.**

Лик: Гóсподи, Госпóдь наш, я́ко чудно Имя Твое́ по все́й землі́.

Чтец, Стих: Я́ко взятся великолéпие Твое́ превыше небéс.

Лик: Гóсподи, Госпóдь наш, я́ко чудно Имя Твое́ по все́й землі́.

Та́же Чтец: Гóсподи, Госпóдь наш. **Лик:** Я́ко чу́дно Имя Твое́ по все́й землі́.

Диа́кон: Премúдрость. **Чтец:** Прорóчества Иса́иина чтéние. **Диа́кон:** Вóнмем.

Чтец: Та́ко глаго́лет Госпóдь. Се уразуме́ет óтрок Мой, и вознесе́тся и просла́вится зело́. Я́коже ужасну́тся о Тебе́ мно́зи, Та́ко обезсла́вится от челове́к вид Твой, и сла́ва Твоя́ от сыно́в челове́ческих. Та́ко удивя́тся язы́цы мно́зи о Нем, и заградя́т царие уста́ своя́: я́ко, имже не возвесті́ся о Нем, у́зрят, и и́же не слы́шаша, уразуме́ют. Гóсподи, кто ве́рова слúху на́шему? И мы́шца Госпóдня кому́ откры́ся? Возвесті́хом я́ко отроча́ пред Ним, я́ко ко́рень в землі́ жа́ждущей, несть ви́да Ему́, ниже́ сла́вы: и ви́дехом Его́, и не имя́ше ви́да, ни добро́ты: но вид Его́ безче́стен, ума́лен па́че всех сыно́в челове́ческих: челове́к в я́зве сый, и ве́дый терпéти болéзнь, я́ко отврати́ся лице́ Его́, безче́стно бысть, и не вмени́ся. Сей грехі́ на́ша но́сит, и о нас болéзнует, и мы вмени́хом Его́ бы́ти в труде́, и в язве от Бо́га, и во озлоблэ́нии. Той же я́звен бысть за грехі́ на́ша, и му́чен бысть за беззакóния на́ша, наказáние ми́ра на́шего на Нем, я́звою Его́ мы исцелéхом. Все́ я́ко óвцы заблуди́хом: челове́к от пу́ти своего́ заблуди́, и Госпóдь предаде́ Его́ грех ра́ди на́ших. И той, занé озло́блен бысть, не отверза́ет уст Свои́х: я́ко овча на зако́ление веде́ся, и я́ко А́гнец пред стри́гу́щим его́ безгласен, та́ко не отверзает уст Свои́х. Во смире́нии его́ суд Его́ взятся: род же его́ кто испове́сть; я́ко взэмлется от землі́ живо́т его́, ра́ди беззакóний люде́й мои́х веде́ся на смерть. И дам лука́выя вме́сто погребéния его́ и богáтыя вме́сто сме́рти его́, я́ко беззакóния не сотвори́, ниже́ обрeтeся лeсть во устéх его́. И Госпóдь хо́щет очисти́ти его́ от язвы: а́ще да́тся о гресé, душа́ ва́ша узрит се́мя долгоживо́тное. И хо́щет Госпóдь руко́ю Своёю отъя́ти болéзнь от души́ его́, явити́ ему́ свет, и создáти ра́зумом, оправда́ти пра́веднаго, блага́ служа́ща мно́гим, и грехі́ их Той понесéт. Сего́ ра́ди Той насле́дит мно́гих, и крeпких разделі́т коры́сти: занé предана́ бысть на смерть душа́ Его́, и со беззакóнными вмени́ся, и Той

грехи многих вознесё, и за беззакония их предан бысть. Возвеселися неплоды нераждающая, возгласи и возопий нечревоболёвшая: яко многа чада пустыя паче, нежели имущия мужа.

Посём Диакон: Премудрость. **Чтец:** Ко Евреем послания Святаго апостола Павла чтение. **Диакон:** Вонмем.

Чтец: Братие, светяй и освещаемии, от Единого вси: еяже ради вини не стыдятся братию нарицати их, глаголя: возвещу Имя твоё братии моёй, посреде церкви воспою тя. И паки: аз буду надеяся Нань. И паки: се аз и дети яже ми дал есть Бог. Понеже убо дети приобщиса плоти и крови, и Той приискренне приобщиса техже, да смерти упразднит имущаго державу смерти, сиречь диавола: И избавит сих, елицы страхом смерти чрез все житие повинни беша работе. Не от Ангел убо когда приёмлет, но от семене Авраамова приёмлет: Отнюдуже должен бе по всему подобитися братии, да милостив будет и верен первосвященник в тех, яже к Богу, во еже очистити грехи людския. В Немже бо пострада Самискушен быв, может и искушаемым помощи.

Священник: Мир ти. **Чтец:** И духови твоему. **Таже Диакон:** Премудрость, прости, услышим Святаго Евангелиа.

Священник: Мир всем. **Лик:** И духови твоему. **Священник:** От Луки Святаго Евангелиа чтение (заचало 111).

Лик: Слава Тебе, Господи, слава Тебе. **Диакон:** Вонмем.

Священник: Во время оно, ведяху со Иисусом и ина два злодея, с Ним убити. И егда придоша на место нарицаемое Лобное, ту распяша Его, и злодея, оваго убо одесную, а другаго ошуюю. Иисус же глаголаше: Отче, отпусти им, не ведят бо, что творят. Разделяюще же ризы Его метяху жребия. И стояху людие зряще. Ругахуся же и князи с ними, глаголюще: инья спасе да спасет и Себе, аще Той есть Христос Божий избранный. Ругахуся же Ему и воины, приступающе, и оцет придеюще Ему, и глаголаху: аще Ты еси Царь Иудейск, спасися Сам. Бе же и написание написано над Ним письмены еллинскими, и римскими, и еврейскими: Сей есть Царь Иудейск. Един же от обещеною злодею хуляше Его, глаголя: аще Ты еси Христос, спаси Себе и наю. Отвещав же другий, прещаше ему, глаголя: ни ли ты бойшися Бога, яко в томже осужден еси? И мы убо в правду, достояная бо по делом наю восприемлева; Сей же ни единого зла сотвори. И глаголаше Иисусови: помяни мя, Господи, егда приидеши во Царствии Си. И рече ему Иисус: аминь глаголю тебе, днесь со Мною будеши в рай. Бе же час яко шестый, и тьма бысть по всей земли до часа девятого. И померче солнце, и завеса церковная раздрася посреде. И возглась гласом велиим Иисус, рече: Отче, в руке Твои предаю дух Мой: и Сия рек издше. Видев же сотник бывшее, прослави Бога, глаголя: воистинну Человек Сей праведен бе. И вси пришедши народи на позор сей, видяще бывающая, биюще перси своя, возвращахуся. Стояху же вси знаемии Его издалеча, и жены последствовавшия Ему от Галилеи, зряще сих.

Лик: Слава долготерпению Твоему, Господи.

Чтец: Ско́ро да предвари́ят ны щедроты Твоя́, Го́споди, я́ко обни́шахом зело́: помози́ нам, Бо́же Спа́се наш, сла́вы ра́ди Имене Твоего́, Го́споди, изба́ви нас, и очисти́ грехи́ на́ша, Имене ра́ди Твоего́.

Трисвято́е, по **Отче** наш.

Свяще́нник: Я́ко Твое́ есть Ца́рство. **Чтец:** [Хор]: Ами́нь.

Та́же конда́к, глас 8:

Нас ра́ди распя́таго, приидите вси́ воспо́йм, / Того́ бо ви́де Мари́а на древе, и глаго́лаше:// а́ще и распя́тие терпи́ши, Ты еси́ Сын и Бо́г Мо́й.

Та́же: Го́споди, поми́луй. (40).

Иже на вся́кое вре́мя и на вся́кий час, на Небеси́ и на земли́ покланя́емый и сла́вимый Христé Бо́же, Долготерпели́ве, Многоми́лостиве, Многобла́гоутро́бне, Иже пра́ведныя любя́й и грешны́я ми́луй, Иже вся зовы́й ко спасе́нию обеща́ния ра́ди бу́дущих благ: Сам, Го́споди, прими́ и на́ша в час сей моли́твы, и испра́ви живо́т наш к за́поведем Твои́м, ду́шы на́ша освяти́, телеса́ очисти́, помышле́ния испра́ви, мы́сли очисти́: и изба́ви нас от вся́кия ско́рби, зол и боле́зней. Огради́ нас святы́ми Твои́ми а́нгелы, да ополче́нием их соблюда́еми и наставля́еми, дости́гнем в соедине́ние ве́ры и в ра́зум непристу́пныя Твоея́ сла́вы: я́ко благословéн еси́ во ве́ки веко́в. Ами́нь.

Го́споди, поми́луй. (Три́жды). Сла́ва, и ны́не: **Честне́йшую Херувим: Именем Господним Благослови́, Отче.**

Свяще́нник: Бо́же, ущедри ны, и Благослови́ ны, просвети́ лице́ Твое́ на ны, и поми́луй ны.

Чтец: Ами́нь.

Та́же моли́тва Свята́го Вели́каго Васи́лиа:

Бо́же и Го́споди сил, и всея́ твари Содетелю, иже за милосе́рдие безприкла́дныя ми́лости Твоея́, Единоро́днаго Сы́на Твоего́, Го́спода на́шего Иису́са Христа́, низпосла́вый на спасе́ние ро́да на́шего: и честным Его́ Кресто́м, рукописа́ние грех на́ших растерза́вый, и победи́вый тем нача́ла и вла́сти тьмы: Сам, Влады́ко Человеколю́бче, прими́ и нас грешных благода́рственныя сия и моле́бныя моли́твы, и изба́ви нас от вся́каго всегуби́тельнаго и мра́чнаго прегреше́ния, и всех озло́бити нас и́щущих ви́димых и неви́димых враг. Пригвозди́ стра́ху Твоему́ плоти́ на́ша и не уклони́ серде́ц на́ших в словеса́ или́ помышле́ния лука́вствия, но любóвию Твоею́ уязви́ ду́шы на́ша: да к Тебе́ всегда́ взирающе, и Иже от Тебе́ све́том наставля́еми, Тебе́ непристу́пнаго и присносу́щнаго зря́ще Све́та, непреста́нное Тебе́ испове́дание и благодаре́ние возсыла́ем, Безнача́льному Отцу́, со Единоро́дным Твои́м Сы́ном, и Всесвяты́м, и Благи́м, и Животворя́щим Твои́м Ду́хом, ны́не, и прісно, и во ве́ки веко́в. Ами́нь.





ЧАС ДЕВЯТЫЙ

Чтец: Приидіте, поклонімся Царєви нашему Бóгу. Приидіте, поклонімся и припадём Христу Царєви нашему Бóгу. Приидіте, поклонімся и припадём Самому Христу Царєви и Бóгу нашему.

Псалом 68

Спаси мя, Бóже, яко внидоша воды до души моея. Углебох в тимєнии глубины и несть постоянна: приидох во глубины морскія, и буря потопи мя. Утрудихся зовый, измолче гортань мой, исчезоште очи мой от еже уповати ми на Бóга моего. Умножишася паче влас главы моея ненавидящии мя туше: укрепишася врази мой, изгонящии мя неправедно: иже не восхощах, тогда не воздаях. Бóже, Ты уведел еси безумие мое, и прегрешения моя от Тебе не утайшася. Да не постыдится о мне терпящии Тебе, Господи, Господи сил: ниже да посрамятся о мне ищущии Тебе, Бóже Израилев. Яко Тебе ради претерпех поношение, покры срамота лице мое. Чужд бых братии моеи и странен сыновом матере моеи. Яко ревность дому Твоего снede мя, и поношения поносиших Ти нападоша на мя. И покрых постом душу мою, и бысть в поношение мне. И положих одеяние мое вретиче, и бых им в притчу. О мне глумляхуся сидящии во вратах, и о мне пояху пиющии вино. Аз же молитвою моею к Тебе, Бóже, время благоволения: Бóже, во множестве милости Твоея услыши мя, во истине спасения Твоего. Спаси мя от брения, да не углубну: да избавлюся от ненавидящих мя и от глубоких вод. Да не потопит мене буря водная, ниже да пожрет мене глубина, ниже сведет о мне ровенник уст своих. Услыши мя, Господи, яко блага милость Твоя, по множеству щедрот Твоих призри на мя. Не отврати лица Твоего от отрока Твоего, яко скорблю: скоро услыши мя. Вонми души моея и избави ю: враг моих ради избави мя. Ты бо веши поношение мое, и студ мой, и срамоту мою, пред Тобою вси оскорбляющии мя. Поношение чаяше душа моя, и страсть: и ждах соскорбящаго, и не бе, и утешающих, и не обретох. И даша в снede мою желчь, и в жажду мою напоиша мя оцта. Да будет трапеза их пред ними в сеть, и в воздаяние, и в соблазн. Да помрачатся очи их, еже не видети, и хребет их выну сляцы. Пролей на ня гнев Твой, и ярость гнева Твоего да постигнет их. Да будет двор их пуст, и в жилищах их да не будет живый. Зане егоже Ты породил еси, тии погнаша, и к болезни язв моих приложиша. Приложи беззаконие к беззаконию их, и да не внидут в правду Твою. Да потребятся от книги живых, и с праведными да не напишутся. Нищ и болии есмь аз: спасение Твое, Бóже, да примет мя. Восхваляю Имя Бога моего с песнию, возвеличу Его во хвалении: И угодна будет Бóгу паче тельца юна, роги изнасяща, и пазнокти. Да узрят нищии и возвеселятся. Взыщите Бóга, и жива будет душа ваша: яко услыша убогия Господь, и окованныя Своя не уничижи. Да восхвалят Его Небеса и земля, море и вся живущая в нем. Яко Бог спасет Сиона, и созиждутся гради иудейстии: и вселится тамо, и наследят и. И семя рабов Твоих удержит и, и любящий имя Твое вселится в нем.

Псалом 69

Бо́же, в по́мощь мою́ вонми́, Го́споди, помо́щи ми потщи́ся: Да посты́дятся и посрама́тся и́щущи ду́шу мою́: да возвратя́тся вспя́ть и посты́дятся хотя́щие ми зла́я. Да возвратя́тся а́бие стыдя́щиеся, глаго́лющи ми: бла́гоже, бла́гоже. Да возра́дуются и возвеселя́тся, о Тебе́ вси и́щущи Тебе́, Бо́же: и да глаго́лют вы́ну, да возвели́чится Го́спо́дь, лю́бящий спасе́ние Твое́. Аз же нищ есмь и убо́г, Бо́же, помози́ ми: Помо́шник мой и Иза́витель мой еси́ Ты, Го́споди, не зако́сни.

Псалом 85

Приклони́, Го́споди, ухо Твое́ и услы́ши мя, я́ко нищ и убо́г есмь аз. Сохрани́ ду́шу мою́, я́ко преподо́бен есмь: спаси́ раба́ Твоего́, Бо́же мой, упова́ющаго на Тя. Помилуй мя, Го́споди, я́ко к Тебе́ воззову́ весь день. Возвесели́ ду́шу раба́ Твоего́, я́ко к Тебе́ взях ду́шу мою́. Я́ко Ты, Го́споди, благ и кро́ток, и многомилостив всем призыва́ющим Тя. Внуши́, Го́споди, моли́тву мою́ и вонми́ гласу моле́ния моего́. В день ско́рби мое́й воззва́х к Тебе́, я́ко услы́шал мя еси́. Несть подо́бен Тебе́ в бозе́х, Го́споди, и несть по делом Твои́м. Вси язы́цы, ели́ки сотвори́л еси́, приидут и поклоня́тся пред Тобою, Го́споди, и просла́вят и́мя Твое́. Я́ко ве́лий еси́ Ты и Твори́й чудеса́, Ты еси́ Бог еди́н. Настави мя, Го́споди, на путь Твой и пойду во и́стине Твое́й: да возвеселится се́рдце мое́ боя́ться Имене Твоего́. Испове́мся Тебе́, Го́споди Бо́же мой, всем се́рдцем мои́м и просла́влю Имя Твое́ в век. Я́ко ми́лость Твоя́ ве́лия на мне, и изба́вил еси́ ду́шу мою́ от ада преиспо́днейшаго. Бо́же, законопресту́пницы воста́ша на мя, и сонм держа́вных взыска́ша ду́шу мою́, и не предложиса Тебе́ пред собо́ю. И Ты, Го́споди Бо́же мой, Ще́дрый и Ми́лостивый, Долготерпе́ливый и Многоми́лостивый, и Истинный. При́зри на мя и помилуй мя, даждь держа́ву Твою́ о́троку Твоему́ и спаси́ Сы́на рабы Твоея́. Сотвори́ со мно́ю зна́мение во бла́го, и да ви́дят ненави́дящие мя и посты́дятся: я́ко Ты, Го́споди, помо́гл ми и утёшил мя еси́.

Сла́ва, и ны́не: Аллилу́иа, Аллилу́иа, Аллилу́иа, сла́ва Тебе́, Бо́же. **(Три́жды).** Го́споди, помилуй. **(Три́жды).**

Сла́ва Отцу́, и Сы́ну, и Свято́му Ду́ху.

Тропа́рь, глас 8:

Ви́дя разбо́йник Нача́льника жизни, на Кресте ви́сяща, / глаго́лаше: а́ще не бы Бог был вопло́щся Иже с нами распны́йся, / не бы́ со́лнце лучи́ своя потаило, ниже бы земля́ трепещу́щи трясла́ся. // Но вся́ терпя́й, помяни мя, Го́споди, во Ца́рствии Твое́м.

Чтец: **И** ны́не: **И**же нас ра́ди рождейся от Девы, / и распя́тие претерпе́в, Благо́й, / испроверги́ смёртию смёрть, / и воскресе́ние явлей́ я́ко Бог, / не презри, я́же созда́л еси́ руко́ю Твое́ю. / Яви́ Человеколю́бие Твое́, Ми́лостиве. / Приими́ ро́ждшую Тя Богоро́дицу моля́щуюся за ны, // и спаси́, Спа́се наш, лю́ди отча́йныя.

И поём тропарі три от дванадесяти. Глас 7:

Ужас бе видети/ небесé и земли Творца на Кресте
висяща,/ солнце помёркшее,/ дeнь же паки в ночь
прелóжшийся,/ и зéмлю из гробов возсылающу телеса
мёртвых;// с нимиже покланяемся Тебé, спаси нас.
(Дважды).

Стих: Разделиша ризы Моя себе, и о одежди Моёй меташа жребий.

Глас 2: Егда на Кресте пригвоздиша беззаконнии Господа славы,/ вопияше к ним: чим вас оскорбих,/ или о чем прогневах?/ Прэжде Мене кто вас избави от скорби?/ И ныне что Мне воздаетé?/ Злая за благая: за столп огненный на Крест Мя пригвоздите:/ За óблак гроб Мне ископаете!/ За манну желчь Мне принесёте:/ за воду оцтом Мя напоите./ Прóчее призову языки,// и тии Мя прославят со Отцем и со Святым Духом.

Стих: Даша в снeдь Мою желчь, и в жажду Мою напоиша Мя оцта.

Егда на Крестé пригвоздиша:

Слава [и ныне:] Глас 6: Днесь висит на древе, Иже на водах землю повесивый:/ венцем от терния облагается, Иже Ангелов Царь,/ в ложную багряницу облачится, одеваяй небо óблаки:/ заушение прият. Иже во Иордане свободивый Адама:/ гвоздьми пригвоздися Жених Церковный,/ копием прободеса Сын Девы./ **Покланяемся** страstem Твоим, Христé:/ **Покланяемся** страstem Твоим, Христé:/ **Покланяемся** страstem Твоим, Христé.// Покажи нам и славное Твоé Воскресéние.

И ныне: Днесь висит на дрéве:

И кадит диáкон Евангелие и икóны, и настоятеля, и лики тóкмо.

Таже Диáкон: Премудрость. Вóнмем.

Чтец: Прокімен, глас шестый: **Рече** безумен в сердце своём; несть Бог.

Лик: Рече безумен в сердце своём: несть Бог.

Стих: Несть творяй благостыню: **Лик:** Рече безумен в сердце своём: несть Бог.

Таже Чтец: Рече безумен в сердце своём. **Лик:** Несть Бог.

1

Т. I
Т. II
Бар.
Б.

Ре-че бе-зу-мен в серд-це сво-ем; несть Бог.

2

С.
А.

Ре-че бе-зу-мен в серд-це сво-ем; несть Бог.

Т.
Б.

Диакон: Премудрость. **Чтец:** Пророчества Иеремиина чтение. **Диакон:** Вондем.

Чтец: Господи, скажи ми, и уразумею; тогда видех начинания их, аз же яко агня незлобивое ведомое на заколение не разумех: яко на мя помыслиша помысл лукавый, глаголюще: Приидите и вложим древо в хлеб его, и истребим его от земли живущих, и имя его да не помянется кому. Господь Саваоф, судяй праведно, испытуяй сердца и утробы, да вижду мщение Твое на них, яко к Тебе открых оправдание мое. Сего ради сия глаголет Господь на мужы анафоски ищущия души моея, глаголющия: да не пророчествуеши о Имени Господни: аще ли же ни, умреша в руках наших. Сего ради сия глаголет Господь Сил: се аз посещу на них: юноши их мечем умрут, и сынове их и дщери их скончаются гладом. И останка не будет от них, наведу бо злая на живущия во Анафосе, в лето посещения их. Праведен еси, Господи, яко отвечаю к Тебе: обаче судьбы возглаголю к Тебе. Что яко путь нечестивых спеется? Угобзисяся вси творящии беззакония. Насадил еси их, и укоренишася: чада сотвориша, и сотвориша плод: близ еси ты уст их, далече же от утроб их. И Ты, Господи, разумеши мя, видел мя еси, и искусил еси сердце мое пред Тобою: собери их яко овцы на заколение, и очисти их в день заколения их. Доколье плакати имать земля, и трава вся сельная изсхнет от злобы живущих на ней? Погибоша скоти и птицы, яко рекоса: не узрит Бог путей наших. Ноги твои текут, и расслабляют тя. Идите, соберите вся звери сельныя, и да придут

снѣсти е. Пастырие мнози растлиша виноград Мой, оскверниша часть Мою, даша часть желаемую Мою в пустыню непроходную. Положиша в потреблѣние пагубы. Яко сия глаголет Господь о всех сосѣдех лукавых, прикасающихся наслѣдию Моему, еже разделих людем Моим Израилю: се аз исторгну их от земли их, и дом Иудин извергну от среды их. И будет егда исторгну их, обращуся и помилую их, и вселю их, кождо в достояние свое, и кождо в землю свою.

Посѣм Диакон: Премудрость. **Чтец:** Ко Евреем послания Святаго апостола Павла чтѣние. **(Зачало 324).** **Диакон:** Вонмем.

Чтец: Братие, имуще дерзновение, входитьи во Святаю Кровию Иисуса Христова, путем новым и живым, Егже обновил есть нам завесою, сиречь, плотию Своею, и Иереа Велика над домом Божиим: Да приступаем со истинным сердцем во извещении веры, окроплены сердца от совести лукавыя, к измовени телеса водою чистою. Да держим исповѣдание упования неуклонное: верен бо есть обещаваемый. И да разумевшем друг друга в поощрении любве, и добрых дел: не оставляюще собрания своего, якоже есть неким обычай, но (друг друга) подвизающе: и толико паче, елико видите приближающа день (судный). Волею бо согрешающим нам по приятии разума истины, ктому о гресех не обретается жертва: Страшно же некое чаяние суда, и огня ревность, поясти хотящаго сопротивныя. Отверглся кто закона Моисеова, без милосердия при двою или триех свидетелех умирает: Колико мните горшия сподобится муки, иже Сына Божия поправый, и кровь заветную скверну возмнив, в нейже очистися, и Духа благодати укоривый? Вемы бо рекшаго: Мне отмщение, аз воздам, глаголет Господь. И паки: яко судит Господь людем Своим. Страшно есть еже впасти в рuce Бога Живаго.

Священник: Мир ти. **Чтец:** И духови твоему. **Таже Диакон:** Премудрость, прости, услышим Святаго Евангелиа.

Священник: Мир всем. **Лик:** И духови твоему.

Священник: От Иоанна Святаго Евангелиа чтѣние. **(Зачало 59).**

Лик: Слава Тебе, Господи, слава Тебе.

Диакон: Вонмем.

Священник: Во время оно, ведоша Иисуса от Каиафы в претор, бе же утро: и тии не видоша в претор, да не осквернятся, но да ядят пасху. Изиде же Пилат к ним вон, и рече: кую речь приносите на человека Сего? Отвещаша и реша ему: аще не бы был Сей злодей, не быхом предали Его тебе. Рече же им Пилат: поимите Его вы, и по закону вашему судите Ему. Реша же ему иудее: нам не достойт убитьи никогже: да Слово Иисусово сбудется, еже рече, назнаменуя коею смертию хотяше умерети. Виде же паки Пилат в претор, и гласи Иисуса, и рече Ему: Ты ли еси Царь Иудейск? Отвещаша ему Иисус: о себе ли ты сие глаголеши или инии тебе рекоша о Мне? Отвещаша Пилат: Еда аз жидовин есмь? Род Твой и архиерее предаша Тя мне, что еси сотворил? Отвещаша Иисус: Царство Моё несть от мира сего. Аще от мира сего было бы Царство Моё, слуги Мои убо подвизалися быша, да не предан бых был иудеом: ныне же Царство Моё несть отсюда. Рече же Ему Пилат: убо

Царь ли еси Ты? Отвещá Иисус: ты глаго́лещи, яко Царь есмь Аз. Аз на сие́ ро́дихся, и на сие́ приидо́х в мир, да свидѣ́тельствую и́стину. И всяк и́же есть от и́стины, послу́шает гла́са Моего́. Глаго́ла Ему́ Пилáт: что́ есть и́стина, и сие́ рек, па́ки изы́де ко иуде́ом, и глаго́ла им: аз ни еди́ныя вины́ обрета́ю в Нем. Есть же обы́чай вам, да еди́наго вам отпу́щу на Па́сху: хо́щете ли у́бо, да отпу́щу вам Царя́ Иуде́йска. Возопи́ша же па́ки вси, глаго́люще: не Сего́, но Варáвву. Бе же Варáвва разбо́йник. Тогда́ у́бо Пилáт поя́т Иисуса́, и би Его́. И во́ини сплѣ́тше венѣ́ц от те́рния, возложи́ша Ему́ на главú, и в рíзу багря́ну облеко́ша Его́. И глаго́лаху: ра́дуйся, Царю́ Иуде́йский. И бия́ху Его́ по ланíтома. Изы́де же па́ки вон Пилáт, и глаго́ла им: се извожу́ Его́ вам вон, да разуме́ете, яко в Нем ни еди́ныя вины́ обрета́ю. Изыде же вон Иисус, нося́ терно́вен венѣ́ц, и багря́ну рíзу. И глаго́ла им: Се Чело́вѣк. Егда́ же ви́деша Его́ архиере́е и слуги́, возопи́ша глаго́люще: распни́, распни́ Его́. Глаго́ла им Пилáт: поимите Его́ вы, и распните, аз бо не обрета́ю в Нем вины́. Отвещáша ему́ иудее: мы зако́н има́мы, и по зако́ну на́шему до́лжен есть умре́ти, яко Себе́ Сы́на Бо́жия сотвори́. Егда́ же слы́ша Пилáт сие́ сло́во, па́че убо́яся. И вни́де в прето́р па́ки, и глаго́ла Иисусо́ви: отку́ду еси́ Ты? Иисус же отве́та не даде́ ему́. Глаго́ла же Ему́ Пилáт: мне ли не глаго́лещи; не ве́си ли, яко вла́сть има́м распя́ти Тя, и вла́сть има́м пу́стити Тя? Отвещá Иисус: не има́ши вла́сти ни еди́ныя на Мне, а́ще не бы ти дано́ свы́ше: сего́ ра́ди преда́вый Мя тебе́ бо́лий грех има́ть. От сего́ иска́ше Пилáт пу́стити Его́. Иудее́ же вопия́ху, глаго́люще: а́ще Сего́ пу́стиши, не́си друг ке́сарев. Всяк, и́же царя́ себе́ творя́й, проти́вится ке́сарю. Пилáт же, слы́шав сие́ сло́во, изведе́ вон Иисуса́, и седе́ на суди́щи, на ме́сте глаго́лемем Лифострото́н, еврейски́ же Гавва́фа. Бе же пято́к Па́сце, час же яко́ шесты́й, и глаго́ла иуде́ом: Се Царь ваш. Онí же вопия́ху: возми́, возми́, распни́ Его́. Глаго́ла им Пилáт: Царя́ ли ва́шего распну́? Отвещáша архиере́е: не има́мы царя́, то́кмо ке́саря. Тогда́ же предаде́ Его́ им, да распне́тся. Поёмше же Иисуса́, и ведо́ша. И нося́ Крест Свой, изы́де в глаго́лемое Ло́бное ме́сто, е́же глаго́лется еврейски́ Голго́фа. Иде́же пропя́ша Его́, и с Ним и́на два сю́ду и сю́ду, посреде́ же Иисуса́. Написа́ же и тítла Пилáт, и положи́ на Кресте́. Бе же написа́но: Иисус Назоря́нин Царь Иуде́йский. Сего́ же тítла мно́зи что́ша от иуде́й: яко́ близ бе ме́сто гра́да, иде́же пропя́ша Иисуса́. И бе написа́но еврейски́, грѣ́чески, римски́. Глаго́лаху же Пилáту архиере́е иуде́йстии: не пиши́. Царь Иуде́йский: но́ яко́ сам рече́: Царь есмь Иуде́йский. Отвещá Пилáт: е́же писа́х, писа́х. Во́ини же егда́ пропя́ша Иисуса́, прия́ша рíзы Его́, и сотвори́ша четы́ри ча́сти, ко́емуждо во́ину часть, и хито́н. Бе же хито́н не швѣ́н, свы́ше истка́н весь. Ре́ша же к себе́: не преде́рем его́, но ме́тнем жре́бия о нем, кому́ бу́дет: да сбúдется Писáние глаго́лющее: раздели́ша рíзы Моя́ себе́, и о има́тисме Моёй мета́ша жре́бия. Во́ини же у́бо сия́ сотвори́ша. Стоя́ху же при Кресте́ Иисусове́ Ма́ти Его́, и сестра́ Ма́тере Его́, Мари́а Клео́пова, и Мари́а Магдали́на. Иисус же ви́дев Ма́терь, и ученика́ стоя́ща, его́же любля́ше, глаго́ла Матери́ Своёй: Же́но, се сын Твой. Потом́ же глаго́ла ученику́: Се Ма́ти Твоя́. И от того́ часа́ поя́т Ю́ учени́к во своя́си. Посем́ ве́дый Иисус, яко́ вся уже́ соверши́шася, да сбúдется Писáние, глаго́ла: жа́жду. Сосúд же стоя́ше полн о́цта: онí же испо́лнивше губу́ о́цта, и на трость во́нзше, приде́ша ко усто́м Его́. Егда́ же прия́т о́цет Иисус, рече́: соверши́шася. И прекло́нь главú, предаде́ дух. Иудее́ же, поне́же пято́к бе, да не оста́нут на Кресте́ телеса́ в суббо́ту: бе бо вели́к день то́я суббо́ты, моли́ша Пилáта, да преби́ют го́лени их, и во́змут. Приидо́ша же во́ини, и пѣ́рвому у́бо преби́ша го́лени, и друго́му распя́тому с Ним. На Иисуса́ же прише́дше, яко́ ви́деша Его́ уже́ умер́ша, не преби́ша Ему́ го́лений. Но еди́н от во́ин копи́ем ре́бра Ему́ прободé, и а́бие изы́де кровь и вода. И ви́девый свидѣ́тельствова, и и́стинно есть свидѣ́тельство его́: и то́й весть, яко́ и́стину глаго́лет, да вы ве́ру имете. Бы́ша бо сия́, да сбúдется Писáние: кость не сокруши́тся от Него́. И па́ки друго́е Писáние глаго́лет: воззря́т Нань, Его́же прободо́ша.

Лик: Сла́ва долготерпéнию Твоему́, Го́споди.

Та́же чтец: Не предаждь нас до конца́, Имене Твоего́ ра́ди и не разорí Завета́ Твоего́, и не отста́ви мѣлости Твоея́ от нас, Авраа́ма ра́ди возлюбленнаго от Тебе́, и за Исаа́ка раба́ Твоего́, и Изра́иля Свята́го Твоего́.

Трисвято́е, по Отче наш.

Свяще́нник возглас: Яко Твое́ есть Ца́рство:

Чтец: Ами́нь.

Та́же конда́к, глас 8:

Нас ра́ди распя́таго, приидите всѣ́ воспойм, / Того́ бо ви́де Мариа́ на древе, и глаго́лаше:// а́ще и распя́тие терпиши: Ты еси́ Сын и Бо́г Мо́й.

Та́же: Го́споди, помѣлуй. (40).

Иже на всякое вре́мя и на всякий час, на Небеси́ и на земли́ покланя́емый и сла́вимый, Христе́ Бо́же, Долготерпели́ве, Многомѣлостиве, Многоблагоутро́бне, Иже пра́ведныя любя́й и грѣшныя мѣлуй, Иже вся зовѣй ко спасѣ́нию обеща́ния ра́ди бу́дущих благ. Сам, Го́споди, прими́ и на́ша в час се́й моли́твы, и испра́ви живо́т наш к за́поведем Твои́м, ду́шы на́ша освяти́, телеса́ очѣсти, помышле́ния испра́ви, мы́сли очѣсти и изба́ви нас от вся́кия ско́рби, зол и болѣзней. Огради́ нас святы́ми Твои́ми а́нгелы, да ополче́нием их соблюда́еми и наставля́еми, дости́гнем в соединѣ́ние ве́ры и в разу́м непристу́пныя Твоея́ сла́вы: я́ко благословѣ́н еси́ во ве́ки веко́в. Ами́нь.

Го́споди, помѣлуй. (Три́жды). Сла́ва, и ны́не: Честне́йшую Херувѣ́м:

Именем Госпо́дним Благослови́, Отче.

Свяще́нник, возглас: Бо́же, ущѣдри ны, и благослови́ ны, просвети́ лице́ Твое́ на ны, и помѣлуй ны.

Чтец: Ами́нь.

Влады́ко, Го́споди Иису́се Христе́ Бо́же наш, долготерпе́вый о на́ших согрѣше́ниих, и да́же до ны́нешняго часа́ приве́дый нас, во́ньже на Животворя́щем древе́ ви́ся, благоразу́мному разбо́йнику, и́же в ра́й путесотвори́л еси́ вход, и сме́ртию сме́рть разру́шил еси́; очѣсти нас грѣшных и недосто́йных раб Твои́х, согрѣшихом бо и беззако́нновахом, и не́смы досто́йны возвести́ очеса́ на́ша, и воззрѣти на высоту́ небе́сную, зане́ оста́вихом путь пра́вды Твоея́, и ходи́хом в во́лях серде́ц на́ших. Но мо́лим Твою́ безме́рную бла́гость: пощади́ нас, Го́споди, по мно́жеству мѣлости Твоея́, и спаси́ нас Имене Твоего́ ра́ди, Свята́го, я́ко исчезо́ша в суетѣ́ днѣе на́ши. Изми́ нас из руки́ сопроти́внаго и оста́ви нам грехи́ на́ша, и умертви́ плотско́е на́ше му́дрование, да вѣтхаго отложѣ́вше челове́ка, в но́ваго облеще́мся, и Тебе́ поживе́м на́шему Влады́це и Благоде́телю: и та́ко Твои́м послѣдующе́ повелѣ́нием, в ве́чный поко́й дости́гнем, иде́же есть всех весе́лящихся жили́ще. Ты бо еси́ вои́стинну и́стинное Весѣ́лие и Ра́дость любя́щих Тя, Христе́ Бо́же наш, и Тебе́ сла́ву возсыла́ем, со Безнача́льным Твои́м Отцем, и Пресвяты́м и Благо́им, и Животворя́щим Твои́м Ду́хом, ны́не и при́сно, и во ве́ки веко́в. Ами́нь.





Та́же Блаже́нны скоро:

Чтец: Во Ца́рствии Твоём помяни́ нас, Го́споди; егда́ приидеши во Ца́рствии Твоём.

Блаже́ни ни́щии ду́хом, я́ко тех есть Ца́рство Небе́сное.

Блаже́ни пла́чущии, я́ко тии утеша́тся.

Блаже́ни кро́тцыи, я́ко тии насле́дят зе́млю.

Блаже́ни а́лчущии и жа́ждущим пра́вды, я́ко тии насы́тятся.

Блаже́ни ми́лостивии, я́ко тии поми́ловани бу́дут.

Блаже́ни чи́стии се́рдцем, я́ко тии Бо́га у́зрят.

Блаже́ни миротво́рцы, я́ко тии сы́нове Бо́жии нареку́тся.

Блаже́ни изгна́ни пра́вды ра́ди, я́ко тех есть Ца́рство Небе́сное.

Блаже́ни есте́, егда́ поно́сят вам, и изжену́т, и реку́т всяк зол глаго́л на вы лжу́ще, Мене́ ра́ди.

Ра́дуйтесь и веселите́ся, я́ко мзда ва́ша мно́га на небесе́х.

Сла́ва Отцу́, и Сы́ну, и Свято́му Ду́ху и ны́не, и при́сно, и во ве́ки веко́в. Ами́нь.

Помяни́ нас, Го́споди, егда́ приидеши во Ца́рствии Твоём.

Помяни́ нас, Влады́ко, егда́ приидеши во Ца́рствии Твоём.

Помяни́ нас, Святы́й, егда́ приидеши во Ца́рствии Твоём.

Лик Небе́сный поёт Тя, и глаго́лет: Свят, Свят, Свят Госпо́дь Савао́ф, испо́льн не́бо и зе́мля сла́вы Твоея́.

Стих: Приступите́ к Нему́, и просветите́ся, и лица́ ва́ша не посты́дятся.

Лик Небе́сный поёт Тя, и глаго́лет:

Сла́ва: Лик святы́х Ангел и Арха́нгел, со все́ми небе́сными си́лами, поёт Тя, и глаго́лет: Свят, Свят, Свят Госпо́дь Савао́ф, испо́льн не́бо и зе́мля сла́вы Твоея́.

И ны́не: Ве́рую во Еди́наго Бо́га Отца́ Вседержи́теля, Творца́ не́бу и земли́, ви́димым же всем и неви́димым. И во Еди́наго Го́спода Иису́са Христа́, Сы́на Бо́жия, Единоро́днаго, и́же от Отца́ рождённаго пре́жде всех век. Све́та от Све́та, Бо́га и́стинна от Бо́га и́стинна, рождённа, не сотворённа, Единосу́щна Отцу́, Имже вся бы́ша. Нас ра́ди человек и на́шего ра́ди спасе́ния сше́дшаго с небес, и воплоти́вшагося от Ду́ха Свя́та и Мари́и Де́вы, и вочелове́чшася. Распя́таго же за ны при Понтийстем Пилате, и страда́вша, и погребёна, и воскресе́шаго в тре́тий день по Писа́нием. И возше́дшаго на Небеса́ и седя́ща одесну́ю Отца́. И па́ки гряду́щаго со сла́вою суди́ти живы́м и ме́ртвым: Его́ же Ца́рствию не бу́дет конца́. И в Ду́ха Свята́го Го́спода Животворя́щаго, И́же от Отца́ исходя́щаго, и́же со Отце́м и Сы́ном, спокланя́ема и ссла́вима, глаго́лавшаго проро́ки. Во Еди́ну Святу́ю Собо́рную и Апосто́льскую Це́рковь. Испове́дую еди́но Креще́ние, во оставле́ние грехо́в. Чаю́ воскресе́ния ме́ртвых: И жи́зни бу́дущаго ве́ка. Ами́нь.

Осла́би, оста́ви, прости́, Бо́же, прегреше́ния на́ша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во дни и в но́щи, я́же во уме́ и в помышле́нии, вся нам прости́, я́ко Благ и Человеколю́бец.

Отче наш, И́же еси́ на Небесе́х, да святи́тся Имя́ Твоё: да приидет Ца́рствие Твоё: да бу́дет во́ля Твоя́, я́ко на Небеси́ и на земли́. Хлеб наш насущный даждь нам днесь, и оста́ви нам до́лги на́ша, я́коже и мы оставля́ем должнико́м на́шим: и не введи́ нас во искуше́ние, но изба́ви нас от лука́ваго.

Свяще́нник, возглас: Я́ко Твоё е́сть Ца́рство:

Чтец [Хор]: Ами́нь.

Та́же конда́к, глас 8:

**Нас ра́ди распя́таго, приидите всѣ воспойм, / Того бо ви́де
Ма́риа на древе, и глаго́лаше:// а́ще и распя́тие терпи́ши,
Ты еси Сын и Бо́г Мо́й.**

Го́споди, поми́луй. (40).

И моли́тва:

**Всесвята́я Тро́ице, Единосу́щная Держа́во, Неразде́льное Ца́рство, всех благи́х
Вина́: благоволи́ же и о мне, грѣшнем, утверди́, вразуми́ се́рдце мое́, и всю мою́
отыми́ скве́рну, просвети́ мою́ мысль, да ви́ну сла́влю, пою́, и поклоня́юся, и
глаго́лю: еди́н Свят, еди́н Госпо́дь, Иису́с Хри́сто́с, во сла́ву Бо́га Отца́. Ами́нь.**

Та́же чтец: Бу́ди Имя Госпо́дне благослове́но от ны́не и до ве́ка. **(Три́жды).**
Сла́ва, и ны́не:

Псалом 33: Благословлю́ Го́спода на вся́кое вре́мя, ви́ну хвала́ Его́ во устѣх
мои́х. **О** Го́споде похва́лится душа́ моя́, да услы́шат кро́тцыи и возвеселя́тся.

**Возвели́чите Го́спода со мно́ю и вознесѣм и́мя Его́ вку́пе. Взыска́х Го́спода, и
услы́ша мя, и от всех скорбе́й мои́х изба́ви мя. Приступи́те к Немú и просве-
титесь, и лица́ ва́ша не посты́дятся. Се́й ни́щий воззва́, и Госпо́дь услы́ша и, и от
всех скорбе́й Его́ спасе́ и. Ополчи́тся Ангел Госпо́день о́крест боя́щихся его́ и
изба́вит их. Вкуси́те и ви́дите, я́ко благ Госпо́дь: блаже́н муж, и́же упова́ет
Нань. Бойте́ся Го́спода вси святи́и Его́, я́ко несть лишѣния боя́щимся Его́. Бога-
тии обнища́ша и взалка́ша: взыска́ющии же Го́спода не лишáтся вся́каго блага.**

**Прииди́те, ча́да, послу́шайте мене́, стра́ху Госпо́дню научу́ вас. Ктó есть чело-
вѣк хотя́й живóт, любя́й дни ви́дети бла́ги? Удержи́ язык твой от зла, и устне́
твой е́же не глаго́лати лъсти. Уклони́ся от зла и сотвори́ бла́го, взыщи́ ми́ра и
пожени́ и. Очи Госпо́дни на пра́ведныя, и у́ши Его́ в моли́тву их. Лице́ же Гос-
по́дне на творя́щыя зла́я, е́же потреби́ти от земли́ па́мьят их. Воззва́ша
пра́веднии, и Госпо́дь услы́ша их, и от всех скорбе́й их изба́ви их. Близ Госпо́дь
сокруше́нных се́рдцем, и смире́нныя ду́хом спасе́т. Мно́ги ско́рби пра́ведным, и
от всех их изба́вит я́ Госпо́дь. Храни́т Госпо́дь вся ко́сти их, ни е́дина от них со-
круши́тся. Смерть грѣшников люта́, и ненави́дящии пра́веднаго прегрешáт. Из-
ба́вит Госпо́дь ду́шы раб Свои́х, и не прегрешáт вси упова́ющии на Него́.**

Диáкон: Премúдрость. **Лик:** Достóйно есть я́ко вои́стинну:

Священник: Пресвята́я Богороди́це, спаси́ нас. **Лик:** Чест-
не́йшую Херувим:

Священник: Сла́ва Тебе́, Хри́сте Бо́же, упова́ние на́ше,
сла́ва Тебе́. **Лик:** Сла́ва, и ны́не: Го́споди, поми́луй.
(Три́жды). Благослови́.

Священник творит отпу́ст: Иже нас ра́ди челове́ков, и на́шего ра́ди спа-
се́ния, стра́шныя страсти, и Животворя́щий Крест, и во́льное погребѣние
плóтию изво́ливый, Хри́сто́с, Истинный Бог наш, моли́твами Пречи́стыя
Своея́ Матере, святи́х сла́вных и всехва́льных апо́стол, святи́х и
пра́ведных Богооте́ц Иоакима́ и Анны, и все́х святи́х, поми́луе́т и спасе́т
нас, я́ко Благ и Человеколю́бец.

Посѣм лик поѣт многолѣтие: Вели́каго Господи́на:

